

Veste Wir-
tenberg mit
dem
Hirschhorn.

Heilig
Kreuzstal.

Ritter /
Graffen
und Herren.

Titulatur
derselben.

was vnd kam ym botschafft das er halm kam sein vater
war tod. vnd bat den herzen vom heiligenberg das er ym
des heiltums ain wenig gab so wolt er ain wirdigs gotz-
haus bawen vnd seins vaters gut daran geben. Das gab
ym der herz. do kam er zu seinen bruder vnd tailt mit ym
vnd machtent in der saligen Reichenaw ain münich vnd
ward Alban vnd Hego zusammen getailt. vnd ward ym ain
vesten mit dem hirschhorn hieß Wirtenberg. Egen vnd
Burckart ward Landaw. vnd nit verz darvon lag ain mair-
hoff hieß Bunstal den nam er darzu. vnd LX. marck pfens-
nig. vnd ließ seinem Bruder Landaw mit aller zugehörd
vnd fieng an zu bawen. Vnd do der erst stain gelegt
ward do geschahen grosse Zaichen. Das gieng seiner schwe-
ster auch zu herzen. wann er sagt ir auch was er verhaissen
het. do gab sie auch daran was sie het. vnd machtent
alldo ain samlung mit sechtzig mägden vnd nanten es heis-
ligkreuzstal. Nun fur sein bruder Alban zu vnd erwarb
das er vnd all sein nachkomen solten füren auff dem
helm ain iägerhorn mit ain gefäß. Vnd die Landaw he-
tent die soltent das hirschhorn füren. Nun het Ulrich von
Hohenberg ain weib die was herz Hannsen vom Altens-
steig tochter ain ainig kind die het ym geschriben. dem
edelman Egen von Landaw. das verdross ym vast vnd
maint sie solt ym schreiben Graff Egen. Dann es was
dazumal vnd auch auch vorher sit wann ain ritter was er
war ain fürst. ain grass. oder ain frei so schrieb man ym
herr Hanns. wie der tauffnam was. was er nit ritter so
schrieb man ym Graff Hanns. oder wie er dann hieß. vnd
wann ain edelman ritter was so schrieb man ym ritter
Cunrad. oder wie sein tauffnam was. darumb sind die
grafen die ritter seind gewesen nit grafen genant sunder ist
die ritterschafft vergangen vnd genant herzn wie er hieß.
nach viel ergangen dingen. Da nam Ege von Landau
erst ain weib der vater hieß Steffan Graulich. vnd het
neun kinder bei ym. Do starb sein bruder Burckart der
het